



Nuuk, 28.marts. 2014

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

(Inatsisartuni ilaasortaq Hans Aronsen, Inuit Ataqatigiit)

- 1. Matumuuna Naalakkersuisunut apeqqutigissavara, qaleralinni- arnermut saarullinni arnermut il.il. akuersissutip ghl-xxxxx-46-xx -mik normullip (ulluinnarni akuersissut nr 46-mik taasak- katta) tassa Attup avannaralaannguanik kujammut Nunarsuit tikillugu atuuttup avannarpaallatsinneqarsinnaaneranik Naalakkersuisut soqutiginnippat?**
- 2. Umiatsiaararsorluni akuersissut (nr 46) avannarpaallanneqas- sappat massakkut killigititap (68.00.00.00N)-miik misileraalluni qaleralinniarsinnaanermut pisassiisoqarsinnaava, imaluuniit Nunarsuarmiik killeqarfiup avannarpaallassutaa tikillugu kille- qanngitsumik periarfissiisoqarsinnaava?**

Tungavilersuut:

Ullumikkut Aasianni Kangaatsiami Niaqornaarsummi Ikerasaarsummi iginni- arfimmilu umiatsiaararsorlutik aalisartut akuersissumiik 46 46mik taas- takkatsinnik pigisallit arlaqarput. Taakkuli sumiiffigisamik eqqaani qaleralin- nik aalisarsinnaanngillat killeqarfik 68 grad kujammut qaangerlugu aalisari- arniangikkunik.

Sineriammi aalisarnermi akuersissutip killingata 68.45.00.00N-mut inissin- neqaraluarpat tamassumaluunniit eqqaanut, maanna nr 46-mik akuersissu- taatillit sumiiffigisamik kangerluit Ataneq, Arfersiorfik aamma Saqqarleq-p taakuli eqqaanni imartani aalisarsinnaalissangaluarput.

Kangerluimmi Ataneq, Arfersiorfik aamma Saqqarleq massakkut qaleral- qarput saniatigut aalisarneqarluarsinnaasunik, sumiiffinnilu aalisartunik an- nertuumik iluaqutigineqarsinnaangaluarlutik.

Kangerluillu Ataneq, Arfersiorfik aamma Saqqarleq ullumikkut GHL-xxxxx- 47-xx akuersissutaatillinnit 5-6nik amerlanerunngitsut kisimik aalisarfiga- lugit sumiiffinni fabrikkinit tunisisinnaapput.